

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Bon bini, bon bini riba nos plenchi di skol. Bo sa ku MCB a selebrá e 100 aña di nan aki en grandi no. Esta un fiesta dushi. Un fiesta ku musika, proyekto salu, kreatividad. Bishita na skolnan i na grandinan ku a kumpli 100 aña. Nan tabata bisto tur kaminda pa yama danki na komunidat pa nan aporte na kresementu i fortifikashon di e banko. Awe nos tin diferente skol ku ta kontentu ku nan a partisipá aktivamente na e fiesta aki. Tur ku a partisipá a haña un premio. Pero natural tin ku a sali ganadó premia tambe.

Skol ta traha riba formashon di nos hóbennan pa asina nan no sa konta i lesa so, pero nan por usa nan konosementu intelektual pa hasi obranan positivo pa kontribui na un mehor bienestar di nos tur.

Pabien na MCB i masha danki pa inklui skolnan den boso fiesta i proyektonan.

Nos ta lorando pa drenta e último luna di aña. Un bes aki nos ta tira un aña mas tras di lomba. Ban pé. No tira tur kos bo tras si. Karga semper huntu ku bo bo eksperenshanan i laga esakinan ta fuente pa yudabu krese. Un felis fin di siman.

Not'é riba bòrchi

(for di FB mcb 100 pa salu)

Ganadónan MCB 100 pa salú





Un prenchi

Riba e potret. St. Antonius College i Soeur Hedwig school risibiendo nan premio di MiTronchi. Danki MCB





Den agènda

Fakansi di skol

- **19 desember pa 4 yanuari**

Dianan speshal:

27 novèmber Kuminsamentu di Advènt

1 desèmber dia di enseñansa i dia di Aids

2 desèmber dia di enseñansa speshal

3 desèmber dia internashonal pa personanan desabilitá

6 desèmber San Nicolaas

11 desèmber dia di sende bela

25 desèmber pasku di nasementu di Kristu Hesus

28 desèmber dia di inosentenan

31 desèmber bispu di aña nobo.

Mucha djispou

Yufrou Netty a bai duna un lès pa siña muchanan balor propio.

El a lanta for di su stul i a bisa e muchanan:

“Tur mucha mahos den e klas aki lanta para awor”

A reina un silensio i tur mucha a keda sinta. Yufrou Netty a bolbe ripití su ordu.

Tur mucha a keda sinta ku wowo grandi di spantu ta wak e.

Poko poko Raymond a skuif i lanta para.

Yufrou Netty: “Abo ta kere bo ta mahos anto Raymond?”

Raymond: “Mi kier a kompañá yufrou, mi ta sinti duele ku yufrou ta e úniko ku a lanta para.

Mi ta konta

”Después de un tiempo
aprenderás que el sol quema si te
expones demasiado. Aceptaras
incluso que las personas buenas
podrían herirte alguna vez y
necesitaras perdonarlas.

Aprenderás que hablar puede
aliviar los dolores del alma...

Descubrirás que lleva años
construir confianza y apenas unos
segundos destruirla y que tu
también podrás hacer cosas de las
que te arrepientas el resto de tu
vida”

William Shakespeare